

Alles gurgelt!

Za siguran dječji vrtić.



Grgljanje s djecom od 1 i više godina

1




Pomoću testnog kompleta „Alles gurgelt!“ možeš provjeriti da li je tvoje dijete zaraženo koronavirusom. Dobit ćeš **prvi testni komplet u dječjem vrtiću**.

2



Skeniraj QR-kôd s poledine testnog kompleta pomoću svog pametnog telefona i uđi preko internet preglednika na stranicu allesgurgelt.at. Nakon **registracije** odn. ako već imaš uređen **profil**, logiraj se u svoj profil i unesi broj uzorka s uputstva koje se nalazi u testnom kompletu. Nakon potvrde broja uzorka doći ćeš na stranicu koja sadrži pregled tvojih ličnih podataka. Tamo ćeš naći opciju „**Dodati osobu**“. Tu unesi podatke svog djeteta jer se ono može testirati putem tvog profila. Odaberi sada ime svog djeteta i pokreni testiranje. Kada sa svojim djetetom uradiš test, njegovi će podaci automatski biti memorisani za sljedeće testiranje.

3



Nakon što se registriraš, možeš preuzeti **svoj personalizirani bar-kôd** u web aplikaciji. S tim bar-kôdom možeš uvijek iznova podići **novе testne komplete** u bilo kojoj BIPA filijali.

4



Pripremi se kod kuće najbolje zajedno sa svojim djetetom za testiranje grgljanjem. **Vježbajte grgljanje** prethodno s vodom, čajem ili sokom. Pokaži svom djetetu kako ti to radiš. Najbolje je da pri tome aktivirate glasnice i grgljajući pjevujete neku omiljenu pjesmicu. Grgljanje možete izvoditi na zaigran način i u kadi ili iznad umivaonika.

U slučaju da to stvara još određene poteškoće, dijete može takođe ispirati usta, mučkajući tečnost u ustima.

Nastavlja se na poledini →

5



Treniraj na kraju sa svojim djetetom još i ispuštanje tečnosti kroz **slamku ili lijevak** u neku drugu posudu. Za to uzmite u usta gutljaj vode, čaja ili soka i ispuštite tečnost na primjer preko slamke polako u neku čašu.

Važno je da to radiš zajedno sa svojim djetetom. To je zajedno mnogo zabavnije, a tvoje dijete uči gledajući kako ti to radiš.

6



Budući da djeca uzrasta 0 do 5 godina ne moraju imati **testni certifikat sa QR-kôdom koji odgovara EU propisima** za ulaz u restorane ili na neke manifestacije, zavisno od aktuelno važeće uredbe, nije potrebno da pristaneš na snimanje tokom testiranja. Taj korak možeš preskočiti. Tvoje će dijete ipak dobiti **rezultat testa**. Kod djece od 6 i više godina moraš pristati na snimanje ako želiš dobiti testni certifikat.

7



A sada kreće testiranje! Uzmi malu plastičnu posudicu sa **testnom tečnošću** i istisni sadržani rastvor soli u usta svog djeteta. Možeš tečnost prvo staviti i u kašiku te je zatim kašikom dati svom djetetu.

8



Sada je na redu grgljanje – onako kao što ste to već prethodno vježbali. U slučaju da dijete proguta malo tečnosti, to nije ništa strašno. Trebalo bi da grglja barem jednu cijelu minutu da bi se dobio najbolji rezultat. Između može napraviti i malu pauzu.

10



Uspjeli ste! Sada još moraš samo zatvoriti testnu epruvetu i zapakovati je onako kao što je to opisano u uputstvu. Zatim jednostavno predaj test:

- **pon-sub:** u svim **bečkim REWE filijalama** (BIPA, BILLA, BILLA PLUS, PENNY) te na **benzinskim stanicama** (BP, SHELL, JET, OMV i ENI) i na **željezničkim stanicama ÖBB-a** (West, Meidling, Hauptbahnhof)
- **nedjeljom & praznicima:** na benzinskim stanicama, željezničkim stanicama Meidling & Hauptbahnhof (po uzorke se dolazi u 9 i 14 sati)

9



Nakon grgljanja treba da kroz cjevčicu ispusti **tečnost** iz usta u **testnu epruvetu**. To takođe neće biti problem ako ste to već prethodno vježbali. U slučaju da to s cjevčicom ne uspijeva baš najbolje, možete umjesto cjevčice koristiti i neki mali lijevak.

11



Ako uzorak predate prije 9 sati, dobit ćeš **rezultat** svog djeteta putem e-maila i to po pravilu **u roku od 24 sata**. Ako redovno učestvujete u programu testiranja „Alles gurgelt!“, za svu djecu će svakodnevni život u vrtiću biti sigurniji, a isto tako i provođenje slobodnog vremena.